



Eindredactie: Gré van der Veen

Stadsblad 21.9.88

Wat zegt dikke hoan tegen lutje kriel? Kiele-kiele-kiel!

Bedum, september 1988

Moi lu,

28 September is t zo wied. Tussen Terwuppen en Sloaperstil, noam-
melk op t Legelaand, wordt t
eerste boukje mit knijlaidjes oet-
langd aan Ate Doornbosch (On-
der de groene linde). t Begunt om
haalf vief. As ie n lutje beudel
mitnemen vien ik t nait slim. t
Boukje is ja veur beudels. Ien
aals gevaal van haarten welkom.
Mitwaarkers aan 'Knijlaidjes',
kriegen dij nommerdag vergees
heur boukje. t Is ien kefee 'De
Iezern Klap', Hamweg 18, Lege-
laand.

Groutnis,
Fré Schreiber

Dizze braif vuil bie mie, net as
bie ale aandere 'leveranciers'
van de knijlaidjes, begun sep-
tember op deurmaddede. t Bouk-
je is kloar! Nummer aine uut
de serie 'Mengelmous', doar
uitgeverij Profiel in Bedum
mit op de markt komt.

Ik heb joe in n eerdere opsteker
al ais over t waarom van zo'n
boukje verteld, mor veur dij-
ent, dij hom nait lezen hebben
(en veur d'aandern is t even n
opvrizen): Fré Schreiber is
onderwiesder in Middelsom,
dij yok slim inspant om kinder t
Grunnegs bie te bringen. Veu-
reg joar zörgde hai veur t poe-
ziealbumboukje 'Veur Antje'
en nou levert hai dus weer nij
matriaal mit t beudelboukje
'Knijlaidjes'.

Mit dizze riempies veur beudels,
dij op knije zitten of nog op knije
zitten willen, perbaaiert Fré ze
speulenderwies in aanroaken te
bringen mit t Grunnegs. En me-
schain binnen der wel moekes (of
pabbes) of oma's (of opa's) bie,
dij dizze versies al boven de wai-

ge nuuntjen.

De kadans laint yok ter ja net
veur. Dat was ook ain van de
veurwoarden, doar de schrievers
aan voldoun mozzen. De kadans
mos goud wezen, t mos 'lopen'.
Fré Schreiber kreeg n vracht laid-
jes opstuurd, veul meer as bie de
poezie-versies, mor de selektie
was stoerder. Hai het nogal wat
weeromme sturen most, want
'soms was t aalmoal niks'.

Woarom Ate Doornbosch? Knij-
laidjes van vrouger valen onder
volkskunst. As wie der niks bie
moaken zollen, din zollen wie
over zeg mor honderd joar nog
dezulfde knijlaidjes tegenkomen.
In tegenstellen tot Dr. Tjaard de
Haan (dij ook n kenner was van
volkslaidjes/volksverhoalenpro-
grammoa 'Onder de groene linde'
veur de Vara-radio bringt, t ge-
weldeg mooi dat ter ook weer nije
knijlaidjes moakt wuiren. In 'zien
aigen' pervinzie, in zo'n groot
gebied ook. Hai nuimt t haile
projekt echt uniek; uniek in Ne-
derland. Ate Doornbosch het Fré
mit road en doad biestoan en het
ook t veurwoord schreven. Kien-
derlaidjes bennen van n toai slag.
Ze kommen een paar keer weer-
om ien je leven'. t Boukje, dat
f 14,90 kost en 80 bladzieden
telt, is onderverdaild in vief groe-
pen:

1. wup- en voarlaidjes
2. ploag- en kirrellaidjes
3. van kop tot tonen
4. bergoanstied
5. en wieder

Van 36 schrievers en dichters is
der waark in de bundel opno-
men. Dat laaidt tot 150 knijlaid-
jes. Vieve hiervan binnen op me-
ziek zet deur Wim van der Laar
en deur Geert Ridderbos. De
noamen van n aantal schrievers
mag joe bekind in d'oren klin-
ken: Haarm Maaijer (in maai
overleden), An Kuiper van de
Tuutjefloiteurs, Henk Puister,
Nies Sap-Akkerman, Gé Klatter,
Gerhard Tuinema, Reinder
Hiemstra, Jan Iden, Wim Faber
(dij ook de ploatjes taikende),
Geert Diemer, Johan Poppen,
Peter Visser, Jan Siebo Uffen en
Fré Schreiber ook vanzulf. Van n
28sten september of is t boukje te
kriegen in de boukhandel en ook
bie de Stichten t Grunneger
Bouk, Metinikerkhof 27 in Stad.
Wie willen dizze opsteker besloe-
ten mit n prachteg knijlaidje van
Haarm Maaijer:

Regen, regen drupt
en ons wichie wupt
op mien knije hèn en weer
kom mor, kom mor, nog n keer

Gré van der Veen